

本草發明蒙筌卷之一

長樂郡
振聲
請
諸
君

新安陳嘉謨廷采甫纂

金壇王肯堂字泰甫校

草部上

潞州人參



威勝軍人參



本草發明卷之一 人參

人參

人參味甘。氣溫微寒。氣味俱輕。升也。陽也。陽中微陰。

無毒。東北境域有陰溼山谷生。詳載下文。高麗國名誌讚

云。三極五葉。初生小者。一極五葉。年久漸生。三極葉。竝生於極之端也。背陽向

陰。欲來求我。假音假樹相尋。其樹類梧桐。大葉蔽日。陰濃。故多生樹底。種

類略殊。形色弗一。紫團參。紫大稍匾。出潞州紫團

山。屬山西。白條參。俗呼羊角參。白堅且圓。出邊外百濟國。

今臣屬高麗。黃參。生遼東。邊戍地名。上黨。古郡名。在冀州西南。黃潤有

鬚稍纖長。高麗參。俗呼韃參。近紫體虛。新羅國名參。亞黃

味薄。竝堪主治。須別麤良。獨黃參功效易臻。人銜

走氣息自若。唐本注云。凡試上黨參。令一人銜之。一人不銜。同走二里許。不銜者必喘。

銜者氣息自若。此為異也。肖人形神具。如人形。雙手足者。神力俱全。最為難得。而人參

之名亦因相類著也。類雞腿力洪。雷公云。凡使大塊。類雞腿者良。輕匏取春

間。因汁升萌芽抽梗。春參無力。雖用一兩。不如秋參一錢。重實採秋

後。得汁降結。暈成膠。布金井玉闌。入方劑。極品和

細辛。畱久不蛀。每參一斤。和細辛一兩。封固磁罐中。永不蛀壞。去蘆梗。咀

薄纜煎。反藜蘆。惡鹵鹹。畏五靈脂。諸虛兼調。五臟

俱補。肥白人任多服。蒼黑人宜少投。丹溪云。肥白氣虛。蒼黑氣

實然考醫案中。誇虛色蒼黑者。亦每多用。此云其常。猶當應其變也。健脉理中。生津

止渴。開心益志。明目輕身。卻驚悸。除夢邪。消胸脇

逆滿。養精神。安魂魄。甦心腹鼓疼。腸胃積冷。溫平。

霍亂吐瀉止息。定喘嗽。通暢血脉。瀉陰火。陰虛生內熱爾

一說陽氣下陷。陰分而生熱也。丹溪言補陰火者。非補助火邪。正謂虛火可補。龍火反治。補中有瀉

意也。今恐讀者不能解悟。認假為真。故直書與下文相貫。使毋惑云。滋補元陽。潔古

云。補上焦元氣。而瀉脾肺胃中火邪。升麻為引。補

下焦元氣。而瀉腎中火邪。茯苓為使。東垣曰。人參

黃耆甘草三味。退虛火聖藥也。丹溪治外感挾內

傷證。但氣虛熱甚者。必與黃耆同用。托任正氣。仍

恐性緩。不能速達。少加附子。資其健悍之性。以助

成功。是知火與元陽。勢不兩立。一勝一負。輒用匡

扶。經曰。邪所湊。正必虛。是爾。蘆發吐。痰沫善酸。味

總甘。和緩不峻。虛羸音雷老弱。膈壅煎宜。衍義亦云。

難服。藜蘆用此可代。

雷公云。凡使要肥大。塊如雞腿。并似人形者。採得陰乾。去四邊蘆頭。并黑者。判入藥中。夏中

少使發心。疰之患也。

謨按集要注曰。肺受寒邪。短氣少氣。虛喘宜用。

肺受火邪。喘嗽。及陰虛火動。勞嗽吐血。勿用。蓋
人參入手太陰。而能補火。故肺受火邪者。忌之。
王氏此言。乃述海藏。肺寒用人參。肺熱用沙參。
及後好事者。假名東垣。輯成括曰。肺寒則可服。
肺熱還傷肺。東垣既云退虛火聖藥。豈復語此。故知後人假名也。踵其遺
轍。亦引寒熱對云。安知寒熱之中。猶有虛實之
別也。肺中實熱。忌之。固宜。肺中虛熱。用之。何害。
況丹溪云。虛火可補。參朮之類是也。又曰。龍火
反治。夫龍火者。乃空中龍雷之火。卽虛火也。

人身雖指下焦相火爲云。然而上下同法。肺中
虛火。亦相伴焉。此火非水可撲。每當濃陰驟雨
之時。火焰愈熾。或擊碎木石。或燒毀房屋。燔灼
酷烈之勢。誠不可抗。太陽一照。火自消彌。可見
人身虛火。無問上中下三焦之殊。但證有見於
外。必非寒涼助水之藥可制。務資此甘溫補陽
之劑。補足元陽。則火自退爾。補中兼瀉。瀉中有
補。正經所謂溫能除大熱是也。矧斯議者。匪特
丹溪獨知。如前潔古東垣俱謂能瀉火者。亦因

洞燭此理。輒言之真切。用之的確。如山石而不
移焉。王氏弗知參能瀉火之邪。反畏補火爲忌。
惟引寒熱。不辨虛實。妄著示人。深可哂也。大抵
人參補虛。虛寒可補。虛熱亦可補。氣虛宜用。血
虛亦宜用。雖陰虛火動。勞嗽吐血。病久元氣虛
甚者。但恐不能抵當其補。非謂不可補爾。苟以
王氏之言爲虛。則前王氏生者。亦何屢用而不
忌乎。如張仲景治亡血脈虛。非不知動火也。用
此而補。謂氣虛血弱。補氣則血自生。陰生於陽。
甘能生血故也。葛可久治勞瘵。太吐血後。亦禁
不知由火載血上也。用此一味煎調。而命名曰
獨參湯。蓋以血脫。須先益其氣爾。丹溪治勞嗽
火盛之邪。製瓊玉膏以之爲君。或此單熬。亦曰
人參膏類。服後肺火反除。嗽病漸愈者。又非虛
火可補。龍火反治之驗歟。抑不特此而已。古方
書云。諸痛不宜服參者。此亦指暴病氣實者而
言。若久病氣虛而。何嘗拘於此耶。東垣治中
湯。同乾薑用。治腹痛嘔逆者。亦謂裏虛則痛。補

不足也。是以醫家臨病用藥，貴在察證虛實，為
先。當減當加，自合矩度。匪但病者不罹天在之
殃，而在已亦得以免殺人不用刃之咎矣。

憲州黃耆



黃耆

黃耆味甘，氣微溫，氣薄味厚，可升可降，陰中陽也。無

毒。種有三品：治無兩般。**木耆**莖短理橫，功力殊劣。

此為下品。缺歲多收，倍用煎服亦宜。本經不載州土，必出黃耆處，竝有之。

如穉菝之賤，自產穀田，兇年多收，亦可代糧也。**水耆**生白水赤水二鄉。俱屬

隴西白水頗勝。此為中品。**綿耆**出山西沁州綿上。鄉名，有巡檢司。

此品極佳。此為上品。咸因地產僉名，總待秋採入藥。久

留易蛀，勤曝難侵。務選單股不岐，直如箭幹。皮色

褐潤，肉白心黃。折柔軟類綿，嚼甘甜近蜜。如斯應

病，獲效如神。市多採首菡根假充，謂之土黃耆，媒

利。殊不知此堅脆。音翠味苦。能令人瘦者。柔軟味其。

易致人肥。每被亂真。尤宜細認。夫耆者惡白鮮龜。

甲。製去頭刮皮。生用治癰疽。蜜炙補虛損。入手少。

陽。手足太陰。主丈夫小兒五勞七傷。骨蒸體瘦。消。

渴腹痛。瀉痢腸風。治女子婦人月候不勻。血崩帶。

下。胎前產後。氣耗血虛。益元陽。瀉陰火。扶危濟弱。

略亞人參。溫分肉而充皮膚。肥腠理以司開闔。固。

盜汗自汗。無汗則發。有汗則止。托陰瘡癩瘡。排膿。

止痛。長肉生肌。外行皮毛。中補脾胃。下治傷寒尺。

脉不至。是上中下內外三焦藥也。性畏防風。而防。

風能制黃耆。黃耆得防風。其功愈大。蓋相畏而相。

使者。故二味世多相須而用。衍義又云。因多補益。

之功。藥中呼為羊肉。久服勿已。耐老延年。

雷公云。凡使先須去頭上皺皮了。蒸半日。出後用手擘令細。於槐砧上剉用。

謨按參耆甘溫。俱能補益。證屬虛損。堪竝建功。

但人參惟補元氣。調中。黃耆兼補衛氣。實表。所。

補既略差異。其劑豈可等分。務尊專能。用為君。

主。君藥宜重。臣輔減輕。君勝乎臣。天下方治。臣。

強於主國祚漸危。此理勢自然。藥劑倣之。亦不可不注意也。如患內傷脾胃衰弱。飲食怕進。怠惰嗜眠。發熱惡寒。嘔吐泄瀉。及夫脹滿痞塞。力乏形羸。脉息虛微。精神短少等證。治之悉宜補中益氣。當以人參加重爲君。黃耆減輕爲臣。若係表虛。腠理不固。自汗盜汗。漸致亡陽。併諸潰瘍。多耗膿血。嬰兒痘疹未灌全漿。一切陰毒不起之疾。治之又宜實衛護榮。須讓黃耆倍用爲主。人參少入爲輔焉。是故治病在藥。用藥由人。

切勿索驥按圖。務須活潑潑地。先正嘗曰。醫無定體。應變而施。藥不執方。合宜而用。又曰。補氣藥多。補血藥亦從而補氣。補血藥多。補氣藥亦從而補血。佐之以熱則熱。佐之以寒則寒。如補中益氣湯。雖加當歸。當歸血藥也。因勢寡則被參者所據。故專益氣。僉名。又當歸補血湯。縱倍黃耆。黃耆氣藥也。爲性緩。亦隨當歸所引。惟以補血標首。佐肉桂附子少熱。天味丸云然。加黃耆知母微寒。補陰丸是爾。舉隅而反。觸類而推。

則方藥之應乎病機。病機之合乎方藥。總在君臣佐使之弗失。纔致輕重緩急之適中。時醫不以本草加工。欲望製方如是之通變合宜者。正猶學射而不操夫弓矢。其不能也決矣。

汾州甘草



甘草

甘草味甘。氣平。生寒。炙溫。可升可降。陰中陽也。無毒。

產陝西川谷。逢秋後採根。因味甘甜。故名甘草。忌猪肉。惡遠志。反甘遂海藻。及大戟芫花。入太陰少陰厥陰足經。用白朮乾漆苦參引使。生瀉火。炙溫中。**梢**去尿管澀疼。**節**消癰疽焮腫。**子**除胸熱。三者宜生**身**選壯大橫紋。刮皮生炙隨用。懸癰單服即散。凡毒生陰囊後。肛門前。謂之懸癰。以大橫紋者五錢。酒煎服。下即散。咽痛旋噉能除。同桔梗。治肺痿膿血齊來。同生薑。止下痢赤白。

雜至小兒初生加黃連煎湯拭口有益飲饌中毒
拌黑豆煮汁恣飲無虞中砒毒者曾以此方救活百人卻臍腹急
疼毆臟腑邪熱堅筋骨長肌肉健脾胃補三焦止
渴除煩養血下氣解百藥毒免害和諸藥性杜爭
後人尊之稱為國老又因性緩能解諸急故熱藥
用之緩其熱寒藥用之緩其寒如附子理中用者
恐僭諸上調胃承氣用者恐速於下是皆緩之非
謂和也小柴胡湯有柴胡黃芩之寒人參半夏之
溫內加同煎此却調和相協非謂緩焉鳳髓丹中
又為補劑雖緩腎溼實益元陽經云以甘補之以
甘緩之以甘瀉之悉可徵矣中滿證恐甘能作脹
切禁莫加下焦藥因性緩難達務宜少用凡諸嘔
吐亦忌煎嘗久服輕身延年耐老

雷公云

凡使須去頭尾尖處其頭尾吐人每斤皆長三寸剉碎破作六七片使籠器中盛用

酒浸蒸從巳至午出曝乾細剉使一斤用酥七兩塗上炙酥盡為度又先炮令內外赤黃用良

謨按五味之用苦直行而瀉辛橫行而散甘上行而發酸束而收斂鹹止而軟堅甘草味之極甘當云上發可也本草反言下氣何耶蓋甘味

有升降浮沈。可上可下。可內可外。有和有緩。有補有瀉。居中之道。具盡故爾。

荆門軍朮



白朮

白朮味苦甘辛氣溫味厚氣薄可升可降陽中陰也。

無毒。浙朮俗呼雲頭朮種平壤頗肥大由糞力滋溉。歛

朮俗呼狗頭朮產深谷雖瘦小得土氣充盈。寧國池州

並與歛類境界相鄰故也採根秋月俱同製度烘曝却異。浙者

大塊旋曝每潤滯油多。歛者薄片頓烘。竟乾燥白

甚。凡用惟白為勝。仍覓歛者尤優。咀後人乳汁潤

之。制其性也。潤過陳壁土和炒。竊彼氣焉。取向東陳年壁

土研細和炒褐色。篩去土用之。此因脾土受傷故竊真土氣以補助爾。若非脾病不必拘此製入

心脾胃三焦四經。須仗防風地榆引使。除溼益燥。

緩脾生津。歐胃脘食積痰涎。消臍腹水腫脹滿。止

嘔逆霍亂補勞倦內傷手足懶舉貪眠多服益善

飲食怕進發熱倍用正宜間發音瘧殊功兩日發

者卒暴注瀉立效水瀉不禁者或四製研散斂汗出東垣方

或單味粥丸調脾出丹溪方奔豚積忌煎因常閉氣癰

疽毒禁用為多生膿治皮毛間風利腰臍間血故

上而皮毛中而心胸下而腰臍在氣主氣在血主

血又無汗則發有汗則止與黃耆同功同枳實為

消痞方助黃芩乃安胎劑哮喘誤服壅窒難當○

又有一種色蒼即命名為蒼朮出茅山今屬應天府

為最擇潔實尤良刮盡麤皮泔漬炒燥米泔漬一伏時

炒亦防風地榆使引入足經陽明太陰消痰結窠

囊寬胸中窄狹治身面大風風眩頭疼甚捷辟山

嵐瘴氣瘟疫時氣尤靈煖胃安胎寬中進食毆瘥

癖氣塊止心腹脹疼因氣辛烈竄衝發汗除上焦

濕其功最優若補中焦除濕而力甚不及於白朮

仍與黃檗同煎即二妙散健行下焦溼熱神農經曰必

欲長生當服山精即此是矣二朮所忌者雀蛤與

李桃

謨按朮雖二種。補脾燥溼。功用皆同。但白者補
 性居多。且有斂汗之效。蒼者辛烈太過。惟專發
 汗之能。凡入劑中。不可代用。然白朮既燥。本經
 又謂生津。何也。蓋脾惡溼。脾經邪溼。既勝。則元
 氣不得施化。津液何由而生。故曰膀胱為津液
 之府。氣化出焉。今用白朮苦甘辛溫之藥。以燥
 其溼。則氣得周流。運用而津液亦隨氣化而生
 矣。他如茯苓亦係滲溼之藥。謂之能生津者。義
 與此同。

冀州地黃



沂州地黃



生乾地黃

生乾地黃

一名

味苦甘。氣寒。氣薄。味厚。沈也。陰

中之陽。無毒。秋深。汁降。根實。採收。日乾者平。火乾
 者溫。蒸乾者溫補。生乾者平宣。地產南北相殊。藥

力大小懸隔。江浙種者多種肥沃之壤受南方丙丁陽火

之氣質雖光潤而力微懷慶生者懷慶郡名屬河南多生深山幽

谷之處稟北方壬癸濡潤純陰皮有疙瘩而力大用

試尺水分別三名浮者天黃可證地黃沈者當憑

半浮半沈人黃確據惟地黃獨擅優長血中至寶

餘二者不堪入劑性劣無功畏蕪荑惡貝母忌三

白。咀犯鐵器腎消。竹刀切碎食同蘿蔔髮皓得麥門冬

善為引導滋心腎。拌薑汁炒不泥胸中稠膩痰。凡飲

酒人服此必依製之酒病多痰恐滯膈作脹滿也如土達補頭腦虛空或

外行潤皮膚乾燥必資酒浸方促效臻入手少陰

及手太陽涼心火血熱俾去眼瘡瀉脾土溼熱使

長肌肉骨蒸勞熱可奏神功五心煩熱並堪主治

止血溢吐衄單方療折傷金瘡要藥又治婦人月

經閉絕而不行產後血上攻心而作暈妊娠下血

漏胎崩中下血不止患人脉洪多熱加用何妨儻

或脾胃有寒切宜斟酌花名地髓服可延年實研

水調效與根等。○酒潤蒸黑名熟地黃性微溫稍

除寒氣入手足少厥陰經大補血衰倍滋腎水增

氣力。利耳目。填骨髓。益真陰。傷寒後。脛股最痛者。殊功。新產後。臍腹急痛者。立效。烏髭黑髮。悅色駐顏。仲景製八味丸為君。取天一所生之源。專補腎中元氣。天一生水。故人元氣屬腎主之。東垣立四物湯作主演。癸乙同歸。一治兼療藏血之經。癸水屬腎。乙木屬肝。肝為血海。故云藏血也。經也。久久服之。明目益壽。

雷公云

採生地黃去白皮。菟鍋上柳木甑蒸之。攤令氣歇。拌酒再蒸。又出。令乾。勿令犯銅鐵。

器令人腎消。并白髭髮。男損榮。女損衛也。

謨按丹溪云。氣病補血。雖不中病。亦無害也。

之不能無疑焉。夫補血藥劑。無逾地黃當歸。若服過多。其性纏滯。每於胃氣。亦有虧爾。嘗見胃虛氣弱。不能運行。血越上竅者。用此合成四物湯。以為涼血補血之劑。多服調治。反致胸膈痞悶。飲食少進。上吐下瀉。氣喘嘔血。日漸危迫。去死幾近。此皆因血藥傷其冲和胃氣。安得謂無害耶。大抵血虛固不可專補其氣。而氣虛亦不可過補其血。所貴認證的真。量劑佐助。庶幾不失於偏損也。

文州當歸



滁州當歸



當歸

當歸味甘辛。氣溫。氣味俱輕。可升可降。陽也。陽中微

陰無毒。生秦蜀兩邦。

秦屬陝西。蜀屬四川。

有大小二種。大葉

者。名馬尾當歸。黃白氣香肥潤。

此為上品。市多以低假酒灑潤充賣。

不可不察。

小葉者。名蠶頭當歸。質黑氣薄堅枯。

此為下品。不堪

入藥。一說川歸力剛可攻。秦歸力柔堪補。凡覓拯病

優劣當分。畏薑藻蒲蒙。

生薑。海藻。菖蒲。牡蒙。

惡藺茹溼麩蘆

苗去淨。醇酒製精。行表洗片時。行上漬一宿。體肥

痰盛。薑汁漬宜。曝乾。咬咀。治血必用。東垣云。頭止

血上行。身養血中守。尾破血下流。全活血不走。易

老云。入手少陰。以心主血也。入足太陰。以脾裏血

也。入足厥陰。以肝藏血也。若和劑在人參黃耆。皆

能補血。在牽牛大黃。皆能破血。從桂附茱萸。則熱

從芒硝大黃則寒。別說又云。能使氣血各有所歸。故因名曰當歸。逐跌打血凝而作脹。併熱痢腸刮而肛疼。滯留腸胃內。欬逆氣上。堪醫洗在皮膚中。溫瘧寒熱能治。女人胎前產後諸虛。男子五勞七傷等證。眼疾齒疾。疼痛難禁。癰瘡金瘡。肌肉不長。中風攣蹇拘疼。中惡悶亂昏曠。崩中帶下。燥澀焦枯。竝急用之。不可缺也。又同川芎。上治頭痛。以其諸頭痛皆屬肝木。故亦以血藥主之。性滑大便。洩利休投。

雷公云

凡使先去塵。并頭尖硬處一分。已來酒浸一宿。若要用破血。即使頭一節硬實處。若要用止痛。上血。即用尾。若一時用。不如不使。服食無效。單使妙也。

謨按正傳云。當歸能逐瘀血。生新血。使血脉通暢。與氣竝行。周流不息。因以為號。然而中半以上。氣脉上行。天氣主之。中半以下。氣脉下行。地氣主之。身則獨守乎中而不行也。人身之法象。亦猶是焉。故瘀血在上焦。與上焦之血少。則用上截之頭。若欲行中焦瘀血。與補中焦血虛。則用中截之身。瘀血在下焦。與下焦之血少。則用

下截之尾。匪獨當歸爲然。他如黃芩防風桔梗柴胡亦皆然也。觀此一說。較前東垣雖殊。思亦近理不妄。采附篇末。憑世所宗。

又按經云。主欬逆上氣。議者以當歸血藥。如何治胸中氣也。殊不知當歸非獨主血。味兼辛。辛中便有發散之意。乃爲血中氣藥。况欬逆上氣。非止一端。亦有陰虛陽無所附。以致然者。今用血藥補陰。與陽齊等。則血和而氣降矣。本經所謂義或繇斯。

單州牛膝



牛膝

牛膝味苦酸。氣平無毒。忌牛肉。畏白前。所惡之藥有

三。螢火。陸英。龜甲。地產尚懷慶。

注前種類有雌雄雌

牛膝節細莖青根短。堅脆無力。雄牛膝節大莖紫

根長柔潤有功。秋後採根。曝乾待用。去能爛黑黯

選肥壯鮮明。因與牛膝同形。人故假此為譽。凡入

藥劑。酒漬。咬咀。善理一身虛羸。能助十二經脈。主

手足寒溼。痿痺。大筋拘攣。理膀胱氣化遲難。小便

短少。補中續絕。益陰壯陽。填髓除腰膝痠疼。活血

滋鬚髮烏黑。竹木刺入肉。嚼爛厚罨。老瘡久弗痊。

單煎連服。卒得無名腫毒。生根搗爛。敷上當安。尿

管澀痛幾危。好酒煎濃。飲下立愈。治女人血癥。血

癥。月水行遲。療產婦血暈。血虛。兒枕痛甚。同麝香

墮胎甚捷。

土牛膝一兩。麝香一錢。搗細。焙乾。

引諸


藥下走如奔。故凡病在腰腿。胛踝之間。必兼用之

而勿缺也。亦宜久服。耐老輕身。

雷公云

凡使去頭。并磨上了。用黃精自
然汁浸一宿。漉出。細剉。焙乾。用

洪州黃精



相州黃精



黃精

黃精味甘。氣平。無毒。山谷土肥俱出。茅山嵩山獨良。

莖類桃枝脆柔。一枝單長。葉如竹葉略短。兩節對

生。一說其葉偏生不相對者為偏精。葉相對者為正精。正精功用尤勝。又華佗漆葉青黏散云。青

黏。即黃精之正花開似赤豆花。實結如白黍米。亦有

不結實者竝堪服餌。抱朴子云。服花勝實。服實勝根。但花難得。生花一斛。只乾得一二斤。

非大有役力者。不能辦也。勿厭採收。冬月挖根。嫩薑彷彿。僊家

稱名黃精。俗多呼為野生薑也。淨。九蒸九曝。代

糧可過凶年。因味甘甜。又名米餈。入藥療病生者

亦宜。鈎吻略同。切勿誤用。安五臟六腑。補五勞七

傷。除風溼。壯元陽。健胃脾。潤心肺。旋服年久。方獲

奇功。耐老不饑。輕身延壽。小兒羸瘦。多啖彌佳。

雷公云。凡使勿用鈎吻。真似黃精。只是葉有毛。鈎

子二箇。是別認處。誤服害人。黃精葉似竹

葉。凡採得以溪水洗淨。後蒸。從巳至子。刀薄切。曬乾用。

謨按博物志曰。太陽之草名黃精。餌之可以長

生。太陰之草名鈎吻。食之入口立死。夫鈎吻野

葛之別名也。人但言鈎吻殺人。竝無敢食之者。何嘗信黃精延壽。而餌之不厭者耶。本經注中

載古一婢。逃入深山。得黃精餌之。日間不饑。久漸輕身。飛越山頂。莫有能追之者。此亦非虛語也。

泗州遠志



威勝軍遠志



遠志

遠志味苦氣溫。無毒。形類麻黃而青。兗州名泰山並

山東俱有。根名遠志。四月採收。用宜去骨取皮。甘草

湯漬一宿。因苦下行。以甘緩之。使上發也。漉向日曝。乾入劑煎。畏

真珠。藜蘆。蟻蠟。宜冬。葵。菝葜。龍骨。雄附雄黃。附子。大毒。

亦能殺除。益精壯陽。強志倍力。辟邪氣。去邪夢。定

心氣。安心神。增益智慧。不忘。和悅顏色。耐老。仍利

九竅。亦補中傷。欬逆能噉。驚悸可止。治小兒驚癇。

客忤。療婦人血噤失音。○**小草**苗葉之名。古方曾


用。獲效。除胸痺心痛氣逆。范汪方治此。證有小草丸。禁虛損夢

魘精遺

雷公云

凡使先須去心。若不去心。服之令人悶去心。了。用熟甘草湯浸一宿。漉用曝乾用之。

戎州石菖蒲



石菖蒲

石菖蒲味辛苦。氣溫。無毒。池郡

屬南直隸

最多。各處亦有。

生石澗中為美。一寸九節方靈。揀去露根。

埋土者堪用。露

出者去之。勿犯鐵器。藥入搗碎。使宜。秦艽。惡地。膽麻黃。

忌飴糖羊肉。主手足溼痺。可使屈伸。貼發背癰疽。

能消腫毒。下氣除煩悶。殺蟲愈疥瘡。消目翳。去頭

風。開心洞達。出音聲。益智慧。通竅。虛靈。劫耳聾耳

鳴。禁尿遺尿。數腹痛。或走者。易效。胎動欲產者。即

安。鬼擊。僂死。難甦。急灌生汁。溫瘧積熱。不解。宜浴

濃湯。單味入酒煎。療血海敗。併產後下血不止。細

末鋪薦臥。治徧身毒。及不癢發痛瘡瘍。多服聰明。

不忘久服延年耐老。

雷公云

凡使勿用泥菖夏菖其二件相似如竹根鞭形黑氣穢味腥不堪用凡使採石上生者根條嫩黃緊硬節稠長一寸有九節者是真也採得後用銅刀刮上黃黑硬節皮一重了用嫩桑枝條相拌蒸出曝乾去桑條判用

謨按生石澗而葉細嫩者名菖蒲根小節稠味甚辛烈堪收入藥通竅開心種池塘而葉粗長者名菖陽根大節疎味兼和淡惟取作餞饜酒點茶故古方中但用此味特加石字於上示其所優使人之不悞取也匪特菖蒲為然他如梔子茨菇每加山字亦此意爾藥必求真服纔獲效本經注載有服石菖蒲十三年身生長毛冬袒不冷日誦萬語牢記常全今士人亦取和遠志為丸吞服蓋因用其說假以開心益智也

冬 門 天 州 堯



冬 門 天 州 溫



天門冬

天門冬味苦甘。氣平。大寒。氣薄味厚。沈也。陰也。陽中

之陰。無毒。山谷俱有。夏秋採根。蒸爛去皮去心。曝

乾。旋咀旋用。阻久易生黴垢。則黑黯不明亮也。畏曾青。忌鯉魚。儻

悞食中毒。取浮萍解之。使宜貝母地黃經入手肺

足腎。療風溼淫痺。補虛損勞傷。殺三蟲。去伏屍。且

強骨髓。潤五臟。悅顏色。尤養肌膚。解渴除煩。消痰

住嗽。保肺氣不被熱擾。通腎氣能除熱淋。止血溢

妄行。潤糞燥閉結。同參耆煎服。定虛喘促神方。和

薑蜜熬膏。

天門冬自然汁三椀。蜜一椀。薑汁半椀。共和一處。令勻。慢火熬成膏子。為治結

硬頑痰之聖藥。破頑痰癖結劑。單用研成細末。煮酒調勻。

服之久久生精。延年益氣。肺癰肺痿。有挽回垂絕

之功。吐血吐膿。有奪命再生之力。蓋因苦泄滯血

甘助真元。寒退肺經火熱。此三者。天門冬之功焉。

虛熱人。加用正宜。虛寒人。切忌莫服。因專泄不能

專收故爾。

雷公云

採得了。去土皮一重。便劈破去心。用柳木甑。燒柳木柴。蒸一伏時。灑酒令遍。更添火

蒸出。曝去地二尺。已來作小架。上鋪天門葉。將蒸了天門冬。攤令乾用。

隨州麥門冬



睦州麥門冬



麥門冬

麥門冬味甘微苦氣平微寒降也陽中微陰無毒闊

坂平堤土肥則產葉類莎草長秀根如麥顆連珠

故因名麥門冬也畏苦參青蘘木耳惡苦芙蓉瓠

款冬去心用不令人煩擇肥大方獲效速地黃車

前爲之使入手太陰少陰經治肺家伏火之邪及

肺痿吐膿腥臭補心藏勞傷虛損併心血錯經妄

行益精強陰馭煩解渴心腹結氣能散無尅伐太

過之傷腸胃宿滯可消有寬飽舒懷之益美和顏

色悅澤肌膚止嘔吐而清膈上之稠痰愈痿蹙而

調四肢之經脈去心下支滿退虛熱客邪經枯乳

汁不行堪資作引肺燥欬聲連發須仗爲君加五

味人參三味同煎。名生脉散子。專補元氣。與地黃阿膠麻仁共用。能潤經益血。復脉通心。按本經。多治脾胃臟腑。後用者。專療心肺兩經。久服輕身。不饑不老。

謨按天麥門冬。竝入手太陰經。而能歐煩解渴。止欬消痰。功用似同。實亦有偏勝也。麥門冬兼行手少陰心。每每清心降火。使肺不犯於賊邪。故止欬立獲奇效。天門冬復走足少陰腎。屢屢滋腎助元。令肺得全其母氣。故消痰頗有殊功。蓋痰係津液。因火迫而凝成。腎司津液者也。燥盛則凝。潤多則化。天門冬潤劑。且復走腎經。津液縱凝。亦能化解。麥門冬雖藥劑滋潤。則一。奈經絡兼行相殊。故上而止欬。不勝於麥門冬。下而消痰。必讓於天門冬。爾先哲亦曰。痰之標在脾。痰之本在腎。又曰。半夏惟能治痰之標。不能治痰之本。以是觀之。則天門冬惟能治痰之本。不能治痰之標。匪但與麥門冬殊。亦與半夏異也。

號州五味子

五味子

五味子味酸氣溫氣輕味厚降也陽中微陰無毒江

北最多江南亦有春生苗莖赤色漸蔓高木引長

葉發似杏葉尖圓花開若蓮花黃白秋初結實叢

綴莖端粒圓紫不異櫻珠核匾紅儼若猪腎採收

日曝膏潤難乾南北各有所長藏留切勿相混風

寒欬嗽南五味為奇虛損勞傷北五味最妙惡萎

蕤勝烏頭以肉蓯蓉為使入肺與腎二經味酸而

能斂耗散之金性補而能助不足之水生津止渴

益氣強陰歐煩熱滋補元陽解酒毒壯堅筋骨霍

亂吐瀉服之即止水腫腹脹用之能消冬月欬嗽

肺寒加乾薑煎湯不數服其效如響夏季神力困



乏。同參者麥槩。人參黃耆麥門冬黃槩皮頻煎飲。陡得康彊。其

或熱嗽而火氣太盛者。不可一時驟用寒涼之藥。

必資此酸味而斂束。然不宜多用。若多用則酸收太過反致閉遏

以生他病恐致虛熱以為殃。蓋因皮甘肉酸核中辛帶

苦俱兼鹹味。五味具備。故名之曰五味子。本經只

云酸者。酸屬木。木為五行先也。宜預搗碎。則五味皆全

方後投煎。

雷公云凡小顆皮皺泡者有白撲鹽霜一重其味酸鹹苦辛甘味全者真也凡用以銅刀劈

作兩片用蜜浸蒸從巳至申却以泔水浸一宿焙乾用之

單州菟絲子



菟絲子

菟絲子味辛甘。氣平無毒。朝鮮國多產。寃句屬山東兗州府

獨佳。蔓延草木之間。無根假氣而出。實如蠶子。秋

採陰乾。色黃細者名赤綱。色淺大者名菟蘂。種類雖二。功效竝同。先用水洗去砂。次以酒漬杵爛。捏成薄餅。向日曝乾。研末爲丸。不堪煎液。益氣強力。補髓添精。虛寒膝冷腰疼。正宜多服。鬼交夢遺精滑。勿厭頻吞。肥健肌膚。堅強筋骨。服之久久。明目延年。莖葉煎湯。小兒可浴。解熱毒癩疹。散癢塌痘瘡。

雷公云

勿用天碧草子。其樣真相似。只是天碧草子。味酸澀并粘。不入藥用。其菟絲子稟中

和之。正陽氣受結。偏補人衛氣。助人筋脉。一莖從樹感枝成。又從仲春上陽。結實其氣。大小六

七。鎰二兩全。採得去麤薄殼了。用苦酒浸二日。漉出。用黃精自然汁浸一宿。至明微用火煎至乾。入臼中。熱燒盡。淨一去三千餘。成粉。用苦酒并黃精自然汁與菟絲子相對用之。

靈芝草



靈芝草

靈芝草。色分六品。味應五行。氣稟俱平。服餌無毒。

青芝如翠羽。一名龍芝應木。味酸。產泰山。專補肝氣。與

仁恕強志。明眼目安魂。○**赤芝**如珊瑚。一名丹芝應火。

味苦。產衡山。善養心神。增智慧。不忘。開胸膈。除結。

○**白芝**截肪可比。一名玉芝味辛。應金。華山生。益肺定。

魄。止癆逆。潤皮毛。○**黑芝**澤漆堪倫。一名玄芝味鹹。應

水。常山出。益腎。跛癰。利二便。通九竅。○**黃芝**與黃

金類。一名金芝高嶽山多。**紫芝**與紫衣同。一名木芝高夏山

有。竝味甘。應土。咸。逐邪。益脾。堅骨。健筋。悅顏。駐色。

六芝俱主祥瑞。夜視光彩。映人。燒不焦。藏不朽。久

服延壽。常帶辟兵。世所難求。醫絕不用。但附其論。

俾識其詳。

衡州甘菊



齊州甘菊



甘菊花

甘菊花味甘。微苦。氣平寒。屬土。與金。有水火。可升可

降。陰中陽也。無毒。種類顏色多品。應候黃小為良。

月令云。菊有黃華。是也。餘色不入藥。山野間味苦莖青。名苦蕒。勿用。

苦蕒花亦黃色。但氣薄味苦。入藥反損爾。家園內味甘莖紫。謂甘菊。堪

收。苦者胃氣反傷。甘者陰血兼補。為使一味。宜桑

白皮。毆頭風。止頭痛眩暈。清頭腦第一。養眼血。收

眼淚翳膜。明眼目。無雙。變老人皓白。成烏。同地黃

釀酒。解醉。漢沈酣易醒。共乾葛須用葛根煎湯。散溼痺。

去皮膚死肌。安腸胃。除胸膈煩熱。利一身血氣。逐

四肢遊風。腰痛沈沈。亦堪主治。服之久久。耐老延

年。搗根葉取汁頓嘗。夏秋採葉。冬春採根。救疔腫垂死。即活。

謨按月令。于桃李桐。但言花而不言色。獨于菊

曰黃花。取其得時之正。况當其候。田野山側。盛

開滿眼。皆黃花也。月令所取。不無意焉。入藥用

黃蓋本諸此。又考根苗花葉。亦可共劑成方。三

月上寅日採苗。六月上寅日採葉。九月上寅日

採花。十二月上寅日採根。竝陰乾百日。各等分

稱勻。擇成日製之。搗千杵為末。用蜜煉熟。豆大

丸成。酒服七丸。一日三服。百日身輕潤澤。一年

皓首成鳥。二年齒落更生。三年貌如童子。至賤之草。而有至大之功。特附其詳。以為老者益壽之一助云爾。

薏苡仁



薏苡仁

薏苡仁味甘。氣微寒。無毒。近道俱出。真定郡名屬北直隸者

良多。生曠野澤中。莖高三四尺許。葉類垂黍。花開淺黃。結實而名薏珠。小兒每穿為戲。採實須當八

月。收根不論春秋。醫家若用。去殼取仁。或和諸藥煎湯。炒熟微研入之。或攪粳米煮粥。薏苡仁粒硬須先粥半熟。纔攪粳米同煮。

粥方稠粘專療溼痺。且治肺癰筋急拘攣。屈伸不便者。乃為上品。此溼邪入于經脈。致手足拘攣。屈伸苦楚。為溼痺證。欬嗽涕唾膿

血併出者。斯獲奇珍。肺癰證。因火迫肺金。故有涕吐膿血等證。須用此藥主之。除筋骨邪入作疼。消皮膚水溢發腫。利腸胃。主消

渴久服益氣輕身。多服開胃進食。但此藥力和緩。凡用之時。須當倍於他藥。爾若挖根煮汁。可攻蛔墮胎。肺癰服之。亦臻神效。

雷公云

凡使勿用穢米。顆大無味。其穢米時人呼為穢。穢是也。若薏苡仁。顆小色青。味甘咬者。粘人齒。夫用一兩。以糯米一兩同熬。令糯米熟去糯米。取使。若更以鹽湯煮之。過別是一般修製。亦得。

謨按衍義云。本經謂主筋急拘攣。須分兩等。大筋縮短。拘急不伸。此是因熱拘攣。故此可用。倘若因寒筋急。不可用也。又云。受溼者。亦令筋緩。

再按丹溪曰。寒則筋急。熱則筋縮。急因于堅強。縮因于短促。若受溼則弛。弛因于寬長。然寒與溼。未嘗不挾熱。而三者又未始不因于溼。薏苡仁。去溼要藥也。二家之說。實有不同。以衍義言觀之。則筋病因熱可用。因寒不可用。以丹溪言觀之。則筋病因寒因熱因溼皆可用也。蓋寒而

留久。亦變為熱。况外寒溼與熱。皆由內溼啓之。方能成病。

內溼病酒麪為多。魚肉繼以成之。若甘滑陳久。燒炙辛香。乾硬皆致溼之。

因宜戒之。謂之曰三者未始不因于溼。是誠盲者之

日月。聾者之雷霆歟。

明州薯蕷



永康軍薯蕷



薯蕷

薯蕷

即山藥。又名山芋。

味甘。氣溫平。無毒。南北州郡俱產。惟

懷慶者獨良。秋採曝乾。灰藏不蛀。柴灰同藏。確內則不蛀。

惡甘遂。共劑不宜。使天麥門冬。紫芝。入手足太陰

兩臟。治諸虛百損。療五勞七傷。益氣力。潤澤皮膚。

長肌肉。堅強筋骨。除寒熱邪氣。煩熱兼除。卻頭面

遊風。風眩總卻。羸瘦堪補。腫硬能消。開心孔聰明。

澀精管。洩滑。理脾傷。止瀉。參苓白朮散。頻加。逐腰

痛。強陰。六味地黃丸。常用。搗篩為粉。作糊甚粘。久

服不饑。延年耐老。

雷公云

凡使勿用平田生。二三紀內者。要經十紀者。山中生。皮赤。四面有髭生者。妙。若採得

用銅刀刮去赤皮。洗去涎。蒸用。

誤按山藥能消腫硬因能益氣補中故爾經曰
 虛之所在邪必湊之着而不去其病為實非腫
 硬之謂乎故補其氣則邪滯自不容不行丹溪
 云補陽氣生者能消腫硬正謂此也

溫州石斛



春州石斛



石斛

石斛味甘氣平無毒多產六安州名屬亦生兩廣廣東

廣西莖小有節色黃類金世人每以金鈔石斛為二

蓋亦取其象也其種有二細認略殊生溪石上者

名石斛折之似有肉中實生櫟木上者名木斛折

之如麥稈中虛石斛有效難尋木斛無功易得

家多採易者代充不可不預為防範惡凝水石巴

豆畏白殭蠶雷丸以酒浸蒸方宜入劑卻驚定志

益精強陰壯筋骨補虛羸健脚膝暖冷痺皮外邪

石斛


熱堪逐。胃中虛火能除。厚腸胃輕身。長肌肉下氣。

雷公云

凡使先去頭土了。用酒浸一宿。漉出。干日中曝乾。却用酥蒸。從巳至酉。却徐徐焙乾。

用石斛鎖涎。濕丈夫元氣。如修事。脹滿一鎰。永不得痛。

衛州知母



知母

知母味苦辛。氣寒。氣味俱厚。沈而降陰也。陰中微陽。

無毒。多生徐解二州。

並屬南直隸。

形類菖蒲。柔軟。肥白。

有力。枯黯無功。去淨皮毛。忌犯鐵器。引經上頸。酒

炒纔升。益腎滋陰。鹽炒便入。乃足少陰本藥。而又

入足陽明。入手太陰也。補腎水。瀉去無根火邪。消

浮腫。為利小便佐使。初痢臍下痛者能卻。久瘧煩

熱甚者堪除。治有汗骨蒸熱癆。療往來傳屍疰病。

潤燥解渴。

患人虛熱。乾宜倍用之。

止欬消痰。久服不宜。令人

作瀉。仍治溪毒。河澗澡洗。先以藥末投水上流。自

無患矣。

雷公云

凡使先于槐砧上細剉燒乾木臼中杵搗勿令犯鐵器。○行經上頸酒炒用。

謨按東垣云仲景用此為白虎湯治不得眠者煩燥也蓋煩者肺燥者腎以石膏為君佐以知母之苦寒以清腎之燥緩以甘草粳米之甘使不速下也經云胸中有寒者瓜蒂者表熱裏寒者白虎湯瓜蒂知母味皆苦寒何謂治胸中寒也曰讀者當逆識之如言亂臣十人亂當作治仲景言寒舉其效言之熱在其中矣若果為寒安得復用苦寒之劑且白虎湯證脈尺寸俱平其熱明矣豈可因其辭而害其意乎

肉 蓯 蓉



肉蓯蓉

肉蓯蓉味甘酸鹹氣微溫無毒陝西州郡俱有馬瀝

落地所生。端午採乾。用先酒浸。刷去身外浮甲。劈除心內筋膜。或酥炙酒蒸。仍碎搗入劑。忌經鐵器。切勿犯之。治男子絕陽不興。洩精尿血遺瀝。療女人絕陰不產。血崩帶下陰疼。助相火補益勞傷。煖腰膝。堅強筋骨。丹溪云。雖能峻補精血。驟用反動大便。○又種瑣陽味甘可啖。以酥塗炙。代用亦宜。煮粥彌佳。入藥尤效。潤大便燥結。若溼瀉者。補陰血虛羸。與陽固精。強陰益髓。但本經原闕未載。丹溪續補為云。陝西上產。學者須知。復有草從

多生根類初生蓮藕。本經一名列當。溫補略同。功力殊劣。或壓匾假充前藥。凡用者務審精詳。

雷公云。凡使先用酒浸一宿。次以板刷刷去沙土。浮甲。劈破中心去白膜。一重如竹絲草樣。却蒸從午至酉出。又用酥炙佳。若不夫中心白膜。如竹絲樣一重。令人心前氣不散。土氣不出。

梧 州 補 骨 脂



補骨脂

補骨脂 即破故紙 味苦辛。氣大溫。無毒。生廣西諸州。子圓

匾而綠。鹽酒浸宿。浮酒面者輕虛去之 蒸過曝乾。又同炒拌

烏油麻。炒熟去麻單用。亦為丸搗胡桃肉。再加杜

仲青鹽。即青娥丸 治男子勞傷。療婦人血氣。腰膝痠疼。

神效。骨髓傷敗。殊功。除囊溼而縮小便。固精滑以

興陽道。卻諸風溼痺。去四肢冷疼。惡甘草須知。忌

芸臺羊肉。

雷公云 凡使性本大燥毒。用酒浸一宿。後漉出。却用東流水浸三日。夜却蒸。至中。出。日

支州羌活



支州獨活



羌活

羌活 味苦甘辛。氣平微溫。氣味俱輕。升也。陽也。無毒。多生川蜀。亦產隴西。得風不搖。無風自動。因又名



原件短缺

P40-P43

務認分明。切勿鹵莽。止頭痛。喉痛。齒痛。併中惡。腹痛。理口瘡。疥瘡。斑瘡。及豌豆爛瘡。治風腫。風癩。瘰癧。肺癰。肺痿。故聖藥為瘡家之號。的藥來風家之稱。

升提元陽。不下陷陰分。挾引諸藥。同行達四經。東垣云。引葱白散。手陽明風邪。引石膏。止足陽明齒痛是也。**梢子**收取。堪治脾痺。久服延年。輕身固本。


雷公云

採得後。刀刮上。麤皮一重了。用黃精自然汁浸一宿。出。曝乾。細剉。蒸了。曝乾用之。

謨按仲景傷寒論云。瘀血入裏。若衄血吐血。犀角地黃湯主之。夫犀角乃陽明聖藥也。

如無犀角代以升麻其犀角升麻氣味大相遠
隔何以代云不過知升麻亦陽明經藥用之以
引地黃及諸藥同入陽明經爾舍此他用豈復
能乎。

除州車前子



車前子

車前子味甘鹹氣寒無毒山野道途處處生長一名
牛舌草又謂蝦蟆衣葉中起苗苗上結子細類葶
藶採擇端陽專入膀胱兼療肝臟通尿管淋瀝澀
痛不走精氣爲奇。歐風熱腫目赤疼旋去翳膜誠
妙。溼痺堪卻。生產能催。益精強陰。令人有子。故今
種子方內。所製五子衍宗丸。枸杞菟絲五味覆盆
斯亦列其名者。蓋由得此說也。根葉搗生汁飲之。
治一切衄痢尿血。亦利水道。堪逐氣癰。久服輕身。

年耐老。

由公云

凡使須一窠有九葉，內有莖莖各長一尺二寸者，和莖葉根去土了，稱有一鎰者，力

全堪用，使葉勿使莖莖使葉，剉于新瓦上攤乾用之。

蜀

密州地膚子



州地膚子



地膚子

地膚子

一名落箒子

味苦，氣寒，無毒。生于平澤中。苗名鐵

掃箒。葉如荊芥子，類蠶沙。秋末採收，陰乾入藥。專

利水道，去熱膀胱。多服益精強陰。久服明目聰耳。

浴身卻皮膚瘙癢熱疹。洗眼除熱暗雀盲澀疼。葉

搗絞汁服之。又散諸惡瘡毒，泄瀉分滲，血痢兼歐。

决明子



地膚子 决明子

决明子

明子味鹹苦甘氣平微寒無毒川澤多生苗高四尺葉類苜蓿闊大堪作菜蔬子如菘豆銳圓可入藥劑冬月採曝搗碎纔煎惡火麻使者實除肝熱尤和肝氣收目淚且止目疼誠為明目仙丹故得决明美譽仍止鼻衄水調末急貼腦心更益壽齡蜜為丸空心吞服治頭風須築枕臥消腫毒亦調水敷頭痛兼毆蛇毒可解

第二卷青菴子款後謨按宜參看

同州白蒺藜



秦州蒺藜子



蒺藜子

蒺藜子味苦辛氣溫微寒無毒多生同州沙苑

屬河南

亦產近地道傍牧馬草場布地蔓出詩云牆有茨是焉使宜烏頭種分黑白黑成顆粒較馬藻子

殊。此種多。白多刺芒。比鐵蒺藜無異。此種亦黑。出沙苑。生近地。

僅合丸散。生取研成。白堪用煎湯。刺須炒去。破婦

人癥結積聚。止男子遺溺洩精。催生落胎。除煩下

氣。乳發帶下。易效。肺痿膿吐。可瘳。療雙目赤疼。翳

生不已。治徧身白癩。瘙癢難當。除喉痺頭瘡。消痔

瘻。陰汗。久服堪斷穀食。輕身明目。長生。葉煮浴湯

亦去風癢。


雷公云。凡使。採後淨揀擇了。蒸從午至酉出。日乾。

午至酉出。日乾。用之。

蜀州藍葉



藍 實



藍實

藍實味苦甘。氣寒無毒。閩贛。閩係福建。贛屬江西。甚多。近道亦

有。所產須分數種。木藍。馬藍。菘藍。入藥惟用蓼藍。

狀的真。與蓼無異。人家園圃亦每種栽。秋採實。

乾微研碎煎服殺蠱蚊疰鬼惡毒。毆五臟六腑熱煩益心力填骨髓補虛聰耳目利關節通竅。久服勿厭。黑髮輕身。**莖葉**可作靛染青。生搗堪絞汁頓飲。散熱風赤腫愈疔毒金瘡和麝香點諸蟲咬傷。單飲下追鼈痕脹痛。中百藥毒總解。生諸惡瘡竝毆。衍義云藍實水有木能使散敗之血分諸經絡故解諸毒而得效之速焉。又治小兒壯熱成疳更療婦人產後血暈消赤眼暴發止吐衄時來。天行瘟疫熱狂竝宜急取煎服。丹溪普濟消毒飲中。

加板藍根者卽此是也。○造成**青靛**亦人醫方。火瘳火丹塗之卽退。○又染甕上浮沫。卽靛花雖名**青**

黛非真。真者出波斯國間。真青黛形狀與靛花不同類。路遠罕

有此却因功效相類。本經注云靛花主治與青黛同功。特假爲名。

旋收曝乾色甚紫碧市家多取乾靛充賣殊不知

靛枯黑重實花嬌嫩輕浮不可不細擇爾。以水飛

淨灰脚合丸製散隨宜治小兒發熱驚癇調小兒


知蝕消瘦瀉肝止暴注下毒殺惡蟲收五臟鬱火

有功消上膈痰火最效毆時疫頭痛斂傷寒赤斑

水調服之。應如桴鼓。○染成青布。堪剪燒灰。外科
 刀中。亦每單用。敷惡瘡。經年不愈。貼灸瘡。出血難
 痊。

謨按靛花。雖非青黛。然治小兒疳蝕。消瘦發熱。
 屢有奇功。古傳歌括一章。附後。令人便覽。歌曰。
 小兒雜病變成疳。不問強羸女與男。腹內時時
 如下痢。青黃赤白一般般。眼澀面黃。鼻孔赤。穀
 道開張。不欲看。煩熱毛焦。兼口渴。皮膚枯槁。四
 肢癱。唇焦嘔逆。不乳哺。壯熱憎寒。臥不安。此方
 便是青黛散。取效猶如服聖丹。

邵州天麻



箭

赤



天麻

味辛苦。氣平無毒。春初始生。苗葉彷彿芍藥。成
 叢中起梗。二三尺高。故爾因名為赤箭。下發根。王

瓜般大。元來此物謂天麻。鄆利二州。並屬山東山谷俱

有。秋月採取。乘潤刮皮。略煮沸湯。曝乾入藥。治小

兒風疳驚悸。療大人風熱頭眩。毆溼痺拘攣。主癰

痲。寒滯。通血脈。開竅。利腰膝。強筋。諸毒癰疽。並堪

調愈。○再考赤箭原號定風。益氣力。強陰。下支滿

除疝。殺鬼精。蠱毒。消惡氣。腫癰。久服延年。輕身肥

健。

雷公云凡使勿用御風草。綠與天麻相似。只是葉

莖不同。其御風草根莖斑。葉皆白。有青點。使御風草根。勿使天麻二件。若同用。即令人有腸結之患。修事天麻一兩。用蒺藜子一鎰。緩火

熬焦熟後。便先安置天麻十兩于瓶中。以紙蓋。蒸過蒺藜子。蓋內外便用三重紙。蓋蒺藜子。從巳

至未時。又出蒺藜子。再入熬炒。佳。前天麻甌。用炒蒺藜子于中。依前蓋。又隔一伏時。取出。如

此七遍。瓶盛出。後用布拭。上氣汗。用刀劈。焙之。細剉。單地。然用御風草修事法。亦同天麻一般。

謨按別說云。天麻言根。用之有自內達外之理。

赤箭言苗。用之有自表入理之功。蓋根則抽苗。

徑直而上。豈非自內達外乎。苗則結子。成熟而

落。反從幹中而下。至土而生。又非自表入裏乎。

以此而觀。粗可識其內外表裏。主治精微之極

致也。

蘭



草

蕙




蘭葉

蘭葉味辛甘氣平寒無毒即春秋開花蘭香葉也幽
 谷深林隨處俱有葉長不瘁花小甚香凡入藥中
 採葉煎服利水道結痰癖益氣生津殺蠱毒辟不
 祥潤膚逐痺膽痺必用消渴須求東垣有云能散
 積久陳鬱之氣內經亦曰治之以蘭除陳氣也久
 服不老輕身通神

謨按蘭草生于深林似慎獨也故稱幽蘭其葉
 長青其莖深紫與蕙相類逢春出芽一幹一花
 而香有餘者名蘭一幹五六花而香不足者名
 蕙花同春開但蘭先而蕙繼之然江南之蘭只
 春芳郁荆楚閩廣秋復再芳故有春蘭秋蘭不
 同爾丹溪云幽蘭葉稟金水清氣而似有火人

知花香之貴不知葉用有方如東垣之所云也
况藥味載諸內經甚少而蘭獨擅名非深有功
力其能致乎。



蒲黃

蒲黃氣平味甘無毒種盛秦州屬一州直隸根滿池澤經秋

盡瘁逢春復生初萌孽紅白茸茸為蒲菹曾載周

禮漸成柄甘脆可啖號蒲筍亦著誌書春深發葉

成叢夏半抽梗中起花抱梗杪名蒲釐類武士棒

槌屑綴花中即蒲黃似畫者金粉市屢收為糶賣

用蜜和作餅與小兒食之甚有補益醫家採入藥煎細羅潔淨日內

曝乾血病為殃必用之劑止吐血下血補血損虛

勞炒黑為良破瘀血停積消腫毒疼痛竝宜生用

且止血熱妄行咯唾鼻紅來下竅更調癥瘕崩帶

積瘀結塊有奇功。調女人月候不勻。去產婦兒枕

作痛。瘡跌撲折損。理風腫癰瘡。久服如常。神功旋

奏。輕身兼益氣力。延年可作神仙。但不益極虛之

人。若多食未免自利。篩後赤滓篩去細黃其麓蒲

蔓當知赤滓名也止瀉澀腸亦宜炒使苗採作薦乃名


香蒲除臭爛口中。敗邪氣心下。聰耳明目。耐老堅

牙


雷公云

凡使勿用松黃并黃蒿其二件全似貝是味阻及吐人凡欲使蒲黃須隔三重紙焙令色黃蒸半日却焙令乾用之妙。生用行血炒用止血。

海州卷栢



兗州卷栢



卷栢

卷栢味辛苦。氣溫平。微寒。無毒。多生石崖溼

寸半而長。莖葉紫青。彷彿扁栢。遇雨舒開如

晴卷束如拳。凡欲用之。隨時收採。止血用炙去

宜生治婦人癥瘕血閉殊功療男子風眩痿癱立

效止脫肛而散淋結除啼泣以毆鬼邪屍疰鬼疰

鬼魅啼泣酒煎服之益精強陰鎮心安魄煖水臙育孕和顏

色輕身

西京何首烏



何首烏

何首烏味甘苦澀氣微溫無毒今生近道原出柘城

縣名屬山西籬塹牆垣隨處蔓發有雌雄二種對長苗

成藤夜交合相聯晝分開各植凡資入藥秋後採

根大類山甜瓜外有五稜瓣雌者淡白雄者淺紅

雌雄相兼功驗方獲咀竹刀禁犯鐵器浸泔水過

宿曝乾木杵擣春茯苓引使忌猪羊血汁惡蘿蔔

菜蔬主瘰癧癰疽療頭面風癩長筋骨悅顏色益

血氣止心疼久服添精令人有子婦人帶下為末

酒調。原取名曰夜交藤。後因順州南河縣何翁服之。白髮變黑。故改稱爲何首烏也。花採九蒸九曝。久服亦駐顏容。

謨按李遠曰。此仙草也。五十年者如拳大。服一年則鬚髮黑。百年者如碗大。服一年則顏色悅。百五十年者如盆大。服一年則齒更生。二百年者如斗栲栳大。服一年則貌如童子。走及奔馬。三百年者如三斗栲栳大。其中有鳥獸山嶽形狀。號山精。純陽之體。久服則成地仙也。李君斯言。必有所考。不然豈妄誕以欺人哉。况今臺閣名公。競相採取。異法精製。爲九日吞。亦因獲效異常。曾令錢梓傳世。或僉曰八仙丹。或曰延壽丹。或曰八珍至寶丹。徵實取名。一以重藥之非。凡二亦表李君之不誣矣。

益母草



益母草

益母草

一名
羌蔚

味辛甘氣微溫無毒方梗凹

音

面對節

生枝葉如火麻花開紫色

此草有二種開
白花者不入藥

川澤隨

處俱有端午連枝拔收風際陰乾忌犯鐵器單用

最效方載女科或研羅細末煉蜜為丸或搗煎濃

湯熬成膏汁總調胎產之證故加益母之名去死

胎安生胎行瘀血生新血治小兒疳痢敷疔腫乳

癰汁滴耳中又主聾耳細剉醋炒馬嚼堪敷日制

硫黃又解蛇毒多服消腫下水久服益精輕身子

味相同亦理胎產善除日翳易去心煩

謨按丹溪云羌蔚子活血行氣有補陰之功

名益母凡胎前產後有所恃者血氣也胎前無

滯產後無虛以其行中有補也

晉州續斷



續斷

續斷味苦辛。氣微溫。無毒。陝蜀最盛。三月纔生。似芎
 藭葉。苗幹四稜類大薊根。皮色黃赤。資之入藥。取
 根于秋。多有窟良。務擇精細。但認狀如雞脚者為
 上。節節斷皮黃皺者方真。去向裏硬筋以醇酒浸
 宿。烈日曝過薄皮。咀成惡雷丸。使熟。辛。續筋骨。調
 血脉。專療跌撲折損。消腫毒。生肌肉。善理金瘡。癰
 傷。乳癰。瘰癧。殊功。腸風痔漏。立效。縮小便。頻數。固
 精。滑夢遺。亦煖子宮。俾育妊孕。久服勿厭。氣力倍

常

雷公云

凡使勿用草節根。真似續斷。若誤服之。令
 人筋軟。採得後。橫切剉之。又去向裏硬筋
 了。用酒浸一
 伏時。焙乾用。

秦州漏蘆



沂州漏蘆



漏蘆

漏蘆

味甘苦鹹氣寒無毒一名野蘭莖若筍大葉似白
向有莢花綻莢端色黃子結類油麻作房根生如

蔓菁細黑單州屬山西出者為勝八月採根陰乾製

度如儀違錯弗效咀成薄片相對甘草而蒸從已

至申檢淨乾草纔用出雷公炮製連翹為使行足陽明

治身體風熱惡瘡去皮肌瘙痒癰癤主乳癰發背

理痔漏腸風補血排膿生肌長肉引經脉下乳汁

續筋骨療折傷止遺溺泄精除風眼溼痺匪專煎

飲亦作洛湯久服益氣輕身耳目聰明不老

雷公云

凡使勿用獨漏緣似漏蘆只是味甘苦酸
誤服令人吐不止須細驗夫使漏蘆細剉

并生甘草相對蒸從已
至申去甘草淨揀用

忍冬藤



忍冬藤

味甘氣溫無毒多生田畝啖明或產園圃墻垣

凌冬不凋。名由此得。蔓延樹上。藤多左纏。故文名
左纏藤。莖梗方小。微紫。葉如薜荔而青。四并開。花
香甚撲鼻。初開色白。經久變黃。因又名金銀花。又
名鷲鷲藤。又名金釵股。又名老翁鬚。凡數名者。前
乃美其藤之異常。此則美其花之出類也。根莖花
葉隨時採收。或秋冬採其根莖。春夏採其花葉。一
云十二月採之。陰乾。以俟臨期使用。總之四季隨
宜。不必拘拘于時日也。專治癰疽。外科至寶。未成
則散。甚多拔毒之功。已結則穿。已成者當使穿潰。大有世
生之力。或搗汁攪酒頓飲。或研爛拌酒厚敷。或和
別藥以煎湯。隨證重輕而取效。別說又云。大治五
種飛屍。倘被鬼擊作痛。用之亦稱允當。血痢水痢
兼治。風氣溼氣咸除。老人久久服之。輕身長年益
壽。

謨按此草甚多。處處生產。患人生癰發毒。因未
肯遺。老人益壽延年。何嘗採服。且人莫不欲壽
也。至易得者。尚不肯為。反更求遠方難得之藥。
是貴遠賤近庸人之情。習俗之常也。

天戟巴州滁



天戟巴州歸

巴戟天

巴戟天味辛甘。氣微溫。無毒。江淮雖有。巴蜀獨優。多生深谷茂林。葉厚。凌冬不瘁。故俗名二蔓草。又名不凋草也。凡入藥劑。採根陰乾。宿根色青。嫩根色

白。用之功力相若。但選肉厚連珠。根原有心。乾縮自落。人或抽摘中亦空虛。非自有小孔耳。未去盡者亦宜

抽之即今方家。惟以中間紫色者為良。據蜀人云。都無此紫色。咸係

染成或用黑豆煮汁沃之。亦或同煮過紫雖做成。氣味殊

失。或又採山葎根染紫假充。蜀中一種山葎根。形亦相類。但色白。用醋

煮之。乃紫。多採充賣。莫能辨認。俱不可不細察也。擊破視之。其中紫而鮮潔者為

真真者。中雖紫。又有微白。摻如粉色。理小暗也。製須酒浸。過宿曝乾。惡丹

參雷丸。宜覆盆為使。禁夢遺精滑。補虛損勞傷。治

頭面遊風。及大風浸淫血癩。主陰痿不起。併小腹

牽引絞疼。安五臟。健骨強筋。定心氣。利水消腫。益精增志。惟利男人。


雷公云

凡使須用枸杞子湯浸一宿待稍軟漉出却用酒浸一伏時又漉出用菊花同熬令焦黃去菊並用布拭令乾用。

著實



蔡州著實



著實

著實味苦酸氣平無毒種生蔡州山谷

今河南上蔡縣

苗類

青蒿作叢多者三五十莖高者六七尺許莖莖條直自異羣蒿花類菊花淡黃亦同秋綻實若楮實深赤但不味甜九月採收曝乾待用明目增智慧益氣充肌膚久服不饑輕身耐老。

謨按劉向說苑云天下和平聖君在位其種長丈一根百莖下必守以靈龜上常罩有雲霧滿山無毒螫一方絕虎狼莖採類鳳尾龍頭卜筮

通天根月窟誠為神物世所罕稀今所生者不過出蔡州尋常而已安能得絕妙之如是耶

衡州五加皮



無為軍五加皮



五加皮

五加皮味辛苦氣溫微寒無毒山澤多生隨處俱有

藤蔓類木高莖八肩五葉作叢為良三葉四葉略次凡仗入藥採根取皮畏蛇蛻人參宜遠志為使堪用釀酒任研為丸逐多年瘀血在皮筋中歐常痛風痺纏脚膝裏堅筋骨健步強志意益精去女人陰癢難當扶男子陽痿不舉小便遺瀝可止陰蝕疽瘡能除輕身延年長生不老真仙經藥也葉採作蔬食散風癩于一身根莖煎酒嘗治風痺于

四末

雷公云

今五加皮其樹本是白楸樹其上有葉如蒲葉者其葉三花是雄五葉花是雌剝皮

五加皮

陰乾陽人使
陰陰人使陽

謨按五加之名。據義甚大。蓋天有五車之星精也。青精入莖。則有東方之液。白氣入節。則有西方之津。赤氣入華。則有南方之光。玄精入根。則有北方之飴。黃煙入皮。則有戊巳之靈。五神鎮生。相轉育成。服一年者。貌如童稚。服三年者。可作神仙。故魯定公毋單服此酒。以致不死。張子聲等皆服得生二十餘子。享壽三百多年。昔人云。寧得一把五加。不用金玉滿車。寧得一斤地榆。不用明月寶珠。信非長生之藥。致是稱乎。

本草發明蒙筌卷之一

五加皮

本草綱目

卷一

六

七

